

Mendi magalean ♦



Argazki handian, makilen lehen errelebua, San Migel santutegian. Argazki txikian, EMFren urrezko ezteiak 1974an. Eserita, Ferrer. Shebe Peña, Acito Lopez. Zutik, J. A. Odriozola, Espainiako Federakundeko presidentea.

Asteburuko egitaraua

Larunbata, 22:

15:00etatik 19:00etara: Eskalada praktika irekia haur, gazte eta helduentzat, Euskal Mendizale Federakuntzako monitoreen laguntzaz. Udal pilotalekuko rokodromoan (kanpoko horman).
22:30etan: *Euskal Mendizale Federakuntzaren historia* bideoaren emanaldia, Cristobal Burgosen eskutik. herriko udal pilotalekuan.
23:00etan: Oskorri and the Pub Ibiltaria kontzertua, udal pilotalekuan.
Erakusketa: Argazkiak, bideoak eta mendi materiala herri eskolan. Larunbatean, 12:00etatik 14:00etara eta 18:00etatik 20:00etara. Igandean, egun osoa zabalik.

Igandea 23:

11:30etan: Asentzioko ermitan, Meza eta mendizale zutabeen elkartzea.
12:15etan: Asentzioko ermitatik Elgetaraino jaitsiera, trikitilarien laguntzarekin.
13:00etan: Ekitaldi ofiziala Mendizaleen Plazan. Plaka oroigarriaren inaugurazioa. Dantzariak (Elgoibarko Haritz eta Elgetako musika taldeak), txistulariak (Elgoibarko Udalako txistulari taldea), bertsolariak (Sebastian Lizaso, A. Egaña eta A. Agirreazaldegia), abesbatza (Elgetako Ozkarbi) eta trikitilariak (Ermu eta Mallabiko Oihane eta Eneritz).
14:30etan: Bazkaria, udal pilotalekuan.
17:00etatik 20:00etara: Maixa eta Ixiar taldearen kontzertua, Mendizaleen Plazan.
22:00etan, Gaztetxeak antolatuta, Ines eta Naihara bikotearen kontzertua, Gaztetxean bertan.
Egun osoan, kale animazioa, Elgetako trikitilariekin, Ermuko txistulariekin eta Arrasateko gaiteroekin.

erpin arkaiztsuan eguraldi traketsa gañdituz...

EMFk 75 urte betetzen dituela-eta, «goazen mendirik mendi» ekimena beste hainbeste gailurretan egin da, Euskal Herriko 75 mendi ezagunenetan.

Lau mendizale zutabe Asentzio ermitarantz

Elgetako Asentzio ermitan dute hitzordua azken bost makilak eramango dituzten ordezkariak. 11:30etan iritsiko dira, bata bestearen atzetik, 75. urteurreneko une hunkigarri netakoa bizitzeko. Arabako zutabea Kanpazar mendetik abiatuko da. Arabako Gurutz Urdina eta Arrasateko Besaide mendi taldekoek egingo dituzte azken kilometroak. Iparaldeko eta Nafarroako zutabea Bergatik abiatuko da, Obereña, Xogorri eta Pol-Pol mendi taldeetako kideekin. Gipuzkoarren zutabea Eibartik irtengo da, Urkizu parketik. Zutabe honen gidariak, nola ez, Eibarko Deportibo taldeko mendizaleak. Azken zutabea, bizkaitarra, Elorriotik aterako da. Bilboko Alpino eta Elorrioko Erdella mendi taldeek eramango dute Biz-

kaiko makila. Guztiak elkar-tu ostean, Elgetara jaitsiko dira, euskal mendizaletasunaren sustraiak errotu ziren herriko plazara.

Bost hilabeteko bidaian, mendizaleen arteko harremana sendotzeaz gain, mendizaletasunaren naturarekiko errespetua eta aberriarekiko lotura trinkoa gogoratuko dira.

Euskal Mendi Federakundean lanean jardundakoek 75 urte hauetako historiaren pasadizo esanguratsuenak gogoratuko dituzte, labur. Haien artean, Angel Sopeña bilbotarrak Fraidearen ertze-
ra egin eskalada, Euskal Herrian egin zen lehena, EMF sortu baino bi hilabete eskas lehenago. Edo 1926an EMFko Antxon Bandres presidentea, Enrike Uriarte eta

Adolfo Salcedorekin, Mont Blanc igo zueneko eguna.

40 urte geroago (1967) Andeetako lehen gailurrak; 79an Himalayako lehen zortzimilakoa (Dhaulagiri). Handik urtebetetera Everest erraldoia, duela aste batzuk Juanito Oiarzabalen 14 zortzimilakoak. Joan den astean Josune Bereziartuaren bigarren 8c bidea... Balentria anitz tarte txikian.

■ ■ ■ Mendizale-
en arteko
harremana,
naturarekiko
errespetua eta
abertzaletasuna
elkartuko dira
bihar Elgetako
festan

ANTXON ITURRIZA / EMF